

Hakka - Agape Sun-kîn - God's Love Letter Scriptures

Yok-hon 15:9 Chhiu-chhiong Â-pâ siak ngài, ngài ya siak ngì-têu; ngì-têu oi sâng chhai ngài ke thung-siak chûng.

Yî-soi-â 43:1,2 - Yî-fut-s'o 2:10 Ngài-têu he Song-ti ke chok-phín, chhai Kî-tuk Yâ-sû tî-poi chho-sùn ke, muk-tit he oi ngài-têu hàng-san; liá he Song-ti chó chhiu kie-vák oi ngài-têu hi-cho ke.

Yâ-li-mí 1:5 - Kâ-lâ-thai 1:15 Chúng-he, Song-ti sû-ên pûn ngài, chhai ngài chhut-se yî-chhièn, Kì yí-kîn kién-sién ngài, fû-seu ngài lòi sù-fung Kì.

Yok-hon 15:16 M-he ngì-têu sién ngài, he ngài sién ngì-têu. Ngài sat-lip ngì-têu, he oi ngì-têu chhut-hi kiet yún-chhùn ke kó-chú. Án-ngiòng, ngì-têu fung ngài ke miàng, mò-lun tui Â-pâ khiù má-ke, Kì yit-thin voi su-pûn ngì-têu.

3 Yok-hon 1:2 Chhîn-oi ke phèn-yû, ngài chuk-fuk ngì sù-sù sun-li, sùn-thí yúng-khien, chhiong ngì ke lìn-sin khiung-yong án yúng-khien.

Yî-soi-â 43:4 - 1 Pí-tet 2:9,10 Chúng-he, ngì-têu he su kién-sién ke yit-chhûk, he Vòng ke chi-sû, sùn-kiet ke koet, Song-ti ke chû-mìn. Song-ti fû-seu ngì-têu lì-khôi vû-am, chin-ngip Kì khì-meu ke kông-mìn, lòi sién-yòng Kì o-meu ke chok-vì. 10 Ngì-têu yî-chhièn m-he Song-ti ke chû-mìn, chúng-he liá-ha he Kì ke chû-mìn; yî-chhièn mò tet-tó Song-ti ke lìn-mén, liá-ha yí-kîn tet-tó Kì ke lìn-mén.

Yâ-li-mí 31:3 - Yî-fut-s'o 1:4 Chhóng-chho sù-kie yî-chhièn, Kì yí-kîn thûng-ko Kî-tuk kién-sién ngài-têu, pûn ngài-têu chhai Kì mien-chhièn sàng-cho sùn-kiet, mò hó hiàm ke ngìn.

2 Thi-mô-thai 1:9 Song-ti chûn-kiu ngài-têu, fû-seu ngài-têu cho Kì sùn-kiet ke chû-mìn, pin m-he ngài-têu yû má-ke hó hàng-vì, he yîn-vi Kì ke chû-yi lâu ên-tién. Chhai van-sù yî-chhièn, Kì yí-kîn thûng-ko Kî-tuk Yâ-sû chiông liá ên-tién su-pûn ngài-têu lé;

Yok-hon 3:16 Yîn-vi Song-ti thung-siak sù-kiên-ngìn, só-yî chiông Kì Thûk-yit ke Lai-é su-pûn kî-têu, oi pûn yit-chhiet sin kì ke ngìn m-voi mét-mòng, fán-chón tet-tó yún-yén ke sâng-miang.

Hò-sî-â 11:8; Yî-soi-â 49:15,16; & Yî-soi-â 41:13,14

Lu-kâ 12:32 Ngì-têu se-khiùn â, m-sú kiâng, yîn-vi ngì-têu ke Â-pâ chhin fôn-hí chiông Kì ke koet su-pûn ngì-têu.

Mâ-thai 28:20 kâu kî-têu chûn-sú yit-chhiet ngài só min-lin ngì-têu ke. Oi ki-tet! Ngài voi sòng-sòng lâu ngì-têu thûng-chhai, chhût-to sù-kie ke mát-ngit.

Yok-hon 14:1 Yâ-sû yu lâu kî-têu kóng: "Ngì-têu m-sú sèu; ngì-têu oi sin Song-ti, ya oi sin ngài.

Sû-phiên 23:1 - Yok-hon 10:11 Ngài he hó mùk-chá; hó mùk-chá vi-tó yòng hî-sân sâng-miang.

Sû-phiên 23:2 - Khí-sû-liûk 7:17 Yîn-vi pó-chho chûng ke Kâu-yòng oi mùk-yông kî-têu, tai kî-têu to sâng-miang-súi ke ngièn-thèu; Song-ti ya oi chhút-thet kî-têu yit-chhiet ke muk-chüp.

Sû-phiên 23:3,4 - Lu-kâ 1:79 kông-cheu yit-chhiet chhai sí ke yîm-yáng tái-hâ ke ngìn, tai ngài-têu hàng phìn-ôn ke lu.

Sû-phiên 23:5,6 - 2 Kô-lim-tô 1:10-11 Kì süt kiu ngài-têu thot-lì sí-mòng ke ngùi-hiám, chiông-lòi hàn-oi chûn-kiu; chû oi ngì-têu yung khì-tó pông-chhu ngài-têu,

ngài-têu khok-sin, chiông-lòi Kì ya voi chún-kiu ngài-têu. Án-ngiòng, yû kí-tô
ngìn vi ngài-têu khì-tó, chhiu voi yû kí-tô ngìn yîn-vi ngài-têu ke mùng-ên lòi
kám-chhia Song-ti.

Fî-lip-pí 4:7 Song-ti só su, ke chhêu-ko ngìn só sióng-siong ke phìn-ôn, voi thûng-
ko Kî-tuk Yâ-sû pó-sú ngì-têu ke sâm-fài yi-ngiam.

Kóng 3:24 & Sû-phiên 4:8 - Yok-hon 14:27 Ngài liù-hâ phìn-ôn pûn ngì-têu; ngài
chiông ngài ke phìn-ôn su-pûn ngì-têu. Ngài só pûn ngì-têu ke, lâu sụ-kiên-ngìn
só pûn ke mò khiung-yong. Ngì-têu mì-sú sèu, ya mì-sú kiâng.

Sû-phiên 33:18 - 1 Pí-tet 3:12 Yîn-vi Chú khon-ku ngi-ngìn, liù-sâm thâng kì-têu ke
khì-tó; chûng-he ke-têu chok-ok ke ngìn, Chú chhiu tui kì-têu pien-mien.

Lò-mâ 5:2 Ngài-têu yu thûng-ko Kî-tuk, yîn-vi sin, chin-ngip liá-ha só hióng-su
Song-ti ke ên-tién; yîn-vi án-ngiòng, ngài-têu fôn-fôn hí-hí phan-mong fûn-hióng
Song-ti ke yùng-kông!

Yî-soi-â 55:12 - Lu-kâ 19:40 Yâ-sû en-kóng: "Ngài lâu ngì-têu kóng, kì-têu na-he mì
chhut-sâng, liá-têu sâk-thèu chhiu voi hêm hí-lòi."

Yok-hon 16:22 Ngì-têu ya he án-ngiòng: Liá-ha ngì-têu yû yù-sèu, chûng-he ngài
chai kien-tó ngì-têu ke sù, ngì-têu chhiu voi mân-sâm khoai-lòk; ngì-têu ke khoai-
lòk he mò ngìn chhióng-tet-chéu ke.

Lu-kâ 12:9 chhai ngìn ke mien-chhièn mì ngin ngài ke, Ngìn-chú chhai Song-ti ke
thiên-sú mien-chhièn ya mì ngin kì.

Mâ-thai 10:30 Lièn ngì-têu ke thèu-nà-mô tak-thiàu Kì me son-ko lô!

Yî-soi-â 54:10 - Mâ-thai 24:35 Thiên lâu thi voi mò-thet, chûng-he ngài ke fa yún-
yén mì-voi mò-thet.

Mâ-thai 11:28-30 "Lòi â, lò-khú pà chhûng-tâm ke ngìn â, ngì-têu chhiòn-phu lòi
chhiu-khiun ngài, ngài oi pûn ngì-têu tet-tó hiû-sit. 29 Ngì-têu oi pà ngài ke ak lòi
hòk ngài, yîn-vi ngài ke sâm he vûn-yù yu khiâm-pî ke; án-ngiòng, ngì-têu ke
sâm-sùn chhiu voi tet-tó hiû-sit. 30 Yîn-vi ngài ke ak he hó-pà ke; ngài ke tâm he
khiâng-khó ke."

Só-lò-mùn 2:10 & Hò-sî-â 2:14,19,20

2 Kô-lìm-tô 11:2 Ngài siak ngì-têu to chhit-tu ke chhàng-thu, chhiong Song-ti siak
ngì-têu yit-yong; yîn-vi ngì-têu chhiong chûn-chiet ke thûng-chûn-ńg, ngài
chiông ngì-têu ko-thin pûn yit-ke ló-kûng, chhiu-he Kî-tuk.

Exodus 3:14 - Hî-pak-lòi 13:8 Yâ-sû Kî-tuk chhô-pû-ngit, kîm-pû-ngit, chhút-to yún-
yén, ya mì-voi kói-pien.

Hò-sî-â 13:4 - Sú-thù hàng-chhon 4:12 Chú-yû thûng-ko Yâ-sû, chang yû chún-kiu;
yîn-vi chhai thiên-ha ngìn-kiên, Song-ti mò su phét ke miàng, pûn ngài-têu cho-
tet kho kì lòi tet-kiu.

Yok-hon 15:14 Ngì-têu na chûn-sú ngài ke min-lin, chhiu-he ngài ke phèn-yû.

Yok-hon 14:6 Yâ-sû kóng: "Ngài chhiu-he tho-lu, chûn-lî, sâng-miang; na-mì-he
thûng-ko ngài, mò ngìn nèn to Â-pâ ke-vi hi.

Khí-sû-liûk 3:20 Thâng â, ngài khî chhai mùn-ngoï phông-mùn; na yû-ngìn thâng-tó
ngài ke sâng lòi khôi mùn, ngài oi ngip-hi kì ke-vi; ngài thûng kì, kì thûng ngài
khiung-chok sût-fan. Pastor T. John Franklin